



Gerth Mikaelen
Inatsisartut, Naleraq

§ 37 naapertorlugu apeqquummut nr. 85/2026-mut akissut

Asasara Gerth Mikaelen,

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit akisassanngorlugit uannut innersuussutigineqartut qujassutigaaqka. Apeqqutit issuarneqartarput tamatumalu kingorna akineqarlutik.

Ullaq: 27-05-2026
Suliap normua: 2026 - 10001
Allagaatip normua: 26508963

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

1. Toqusoqarneraniit ilisinissamut piffinni assigiingitsuni innuttaasunut qanoq akeqartarnerseq Naalakkersuisut ilisimavaat?

Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik apeqqutinnut akissummut ilassuteqaqqugatsigu ima allappoq:

“Kalaallit Nunaanni Ilagiit ilisinissamut naalagiussinissamik aaqqissuussisarput. Tamatumani isumagisassanut aningaasartuutit Ilagiinnit isumagineqartarmata, tamatumunnga immikkut akileeqquisoqarneq ajorpoq.

Illefissaliortitsinissamut toqusullu illerfianik iliveqarfiliaassinissamut isumagisassat nammineq isumagineqartarput. Tamatumunnga akit assigiinngisitaarput, tassa aalajangersimasuunnigillat, ilisinissamullu isumagisassat najukkami kommunigisamit isumagineqartarput, tamatumunngalu akit sumiiffimmiit sumiiffimmu assigiinngisitaarsinnaasarlutik. Ilisaasussat Illefissarsiuutiqatigiinni ilaasortatut nalunaarsoqqanersut aamma apeqqutaasarpoq. Illefissarsiuutiqatigiit Ilagiinnut atanngillat.

Kommuni ilerfup inissaanik nunamik assaatitsinissamut akisussaasuusarpoq.

Taamaammat Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik aamma Ilagiit nunatsinni sumiiffinni ataasiakkaani ilisinermi akinut tunngasunik paasissutissaateqanngillat.”

2. Toqusimasup timaa timmisartukkut imaluunniit umiarsuakut assartorneqassappat qanoq akeqartarpa?

Napparsimasumik najugaq qimallugu misissortinnissamut katsorsarneqarnissamulluunniit innersuunneqarsimasumik misissortinnerani katsorsarneqarneraniluunniit toqusoqarsimatillugu, toqusup timaata

assartorneranut aningaasartuutit Kalaallit Nunaanni Peqqinnissaqarfiup **tamakkerlugit** akilertarpei. Taama pisoqartillugu aningaasartuuteqarfiusartut ilaatigut tassaapput:

- Toqusup timaanut puusaaq
- illerfik
- illerfiusaaq
- toqusup timaanik ilineqarfissaanut assartuineq

Tassa imaappoq, tamatumunnga tunngatillugu aningaasartuuteqarfiusut ilaqutaasunit akilerneqarneq ajorput. Napparsimallutik toqusunut nunatsinni peqqinnissaqarfimmit misissorneqarsimasunut angallassinissamut Namminersorlutik Oqartussat nalunaarutaat 1. juuni 2025-mi atuutilersoq pisuni taamaattuni aaqjissuussinermi malinneqartarpoq. Nalunaarut taanna Peqqinnissaqarfiup sullissineri il.il. pillugit Inatsisartut peqqussutaanni nr. 15-imi, 6. novembari 1997-imeersumi, Inatsisartut peqqussutaanni nr. 16-imi, kingullermik 20. novembari 2006-imi allanngortinneqartumi, § 22, imm. 4 naapertorlugu atulersinneqarpoq.

Peqqinnissaqarfik illerfinnik assartuinnermut 2025-mi aningaasartuutai katillugit 888.443 kr.-usut, kisitsisit naatsorsuutini saqqummiussat tunngavigalugit ilisimatitsissutigineqarpoq. Aningaasartuutai taakku umiarsuakkut timmisartukkullu assartuinnermut tunngasuusut tamatumunnga tunngatillugu qanoq aningaasartuuteqartigisarnernanik ersersitsipput, tamatumani aningaasartuutigisartagai suliamiit suliamut assigiinngisitaartaqimmata toqusup timaanik assartuineq qanorpiaq akeqarnerisooq erseqqissumik oqaatigisinnaangilarput.

Royal Arctic Linep umiarsuaatigut assartuineq imminut akilersinnaanerummat, Peqqinnissaqarfiup tamanna periarfissatut siullertut tunngaviatigut atortarjaa. Umiarsuakkut assartuinissaq soorlu sikuuneranik, silarlunneranik piffissaasuanermilluunnit pissuteqartumik periarfissaanngikkaangat, timmisartukkut assartuineq pisarpoq.

Ima pisoqartillugu atuisunut akileeqqusinerit pisinnaapput:

- Ilaqutaasut Peqqinnissaqarfiup assartuinissamut aaqjiissutissatut aalajangigaa malinnagu allatulli aaqjiinissaq kissaatigisimappassuk tamatumunnga saniatigut aningaasartuutaasut nammineq akilertarfaat.
- Najugaq qimallugu avataani misissortinnissamut katsorsarneqarnissamulluunniit innersuunneqarsimanngitsumik toqusoqarsimatillugu, toqusup timaata assartorneqarneranut aningaasartuutit ilaqutaasunit akiliisussaataasumilluunniit allamit, assersuutigalugu sillimmasiisarfimmit imaluunniit sulisitsisumit, akilerneqassapput.

Taamaammat tassa tamatumani aningaasartuutitut akileeqqusisarnertit, apeqquteqarninnut tunngavilersuutigisatit, immikkut pisoqartillugu aatsaat pisartut erseqqissaatigineqarpoq.

Inuulluaqqusillunga

A handwritten signature in blue ink, consisting of a large, stylized 'A' followed by a series of loops and a final flourish.

Anna Wangenheim